



Participante di festival un canto pa Aruba Jurina Lanoy:

“Nos a traha asina duro y bo ta wak e resultado”

ORANJESTAD – Actualmente, e festival di un canto pa Aruba ta tumando luga. E gran final ta awo dia 8 di maart. Jurina Lanoy cu ta participa hunto cu tur e otro integrantenan di God Inspired Group (GIG) ta conta Bon Dia Aruba tocante e experiencia aki.

Segun sra. Lanoy di e grupo GIG, nan ta 8 cu a participa y 7 di e integrantenan aki tabata nan prome biaha incluyendo su mes. Segun e, nan a train na cas mes y esaki a fortalece

e grupo ainda mas. E ta sinti orguyoso di e grupo mirando cu nan a pasa asina hopi anochi sin drumi pa train y nan ta mira e resultado di esaki.

E experiencia

Sra. Lanoy ta conta cu pa su persona e experiencia tabata inexplicable. E ta bisa “Pa e tawata un poco personal door cu mi cancion yama ‘bo no por lubida’. Pues no lubida riba tur hende cu a lucha pa Aruba no solamente Betico si cada un di nos grandi hasta esunnan cu a biba den segundo guerra mundial. Mi

welo defunto mes ta un di nan. Y ya mi no por lubida ni mi welo ni wela den feliz memoria. Pues pa mi e tabata tin un significado mas profundo. A pesar di bay presenta ayera. E ta un homenaje na tur cu a bay laga nos pasobabra sin nan nos no lo ta na bida aworaki”

Sra. Lanoy ta bisa cu locual mas e ta gusta di canta ta cu e por expresa su mes den un manera cu e no por haci pa-piando.

Con a yega na participa

Bon Dia Aruba a puntra sra. Lanoy con el a yega na participa. E ta conta cu aña pasa, e grupo GIG a manda 1 solo cantante y aña aki nan a dicidi cu nan tur lo bay. Nan a cuminsa train 2 siman pasa y e tabata tin dia cu e no por a train pasobra su stem tabata hees. Dialuna ultimo su cantica a wordo canta pa su persona prome biaha completamente y e tabata mentalmente cla pa esaki.

Aporta na cultura

Segun sra. Lanoy e anochi, e publico no tabata mucho grandi y e plaza no tabata yen,



pero e cancionnan a wordo bon ricibi. Tambe segun sra. Lanoy, eventonan cultural mester wordo sosteni mas pa comunidad. Eventonan cultural ta un bon caminda pa hiba muchanan ya cu asina nan tambe ta siña di cultura y asina e no lo muri. Tambe sra. Lanoy ta bisa cu e ta spera hende stop di lidia politica cu cultura na otro. Tin stacionnan di radio cu a keda sin bay e evento y un a te hasta yama plaza turismo plaza

“Otmarr”. Segun sra. Lanoy, esaki ta hende ta contradeci nan mes ora nan bisa cu nan si tin cultura na pecho. Cuminsamento Sra. Lanoy, na diferencia di hopi otro cantante a cuminsa canta na un edad mas laat. E ta describi su mes manera un “late singer” mirando cu el a cuminsa canta 20 aña. Danki na un grupo cu a wordo lanta pa canta “supuestamente” un biaha so, despues di esey e resto ta historia. □

